



Sumvitg-Trun, ils 10 d'uoost 2023

Beinvegni

Caras scolaras, cars scolars
Preziai geniturs

Nus sperein ch'ei mondi bein cun Vus e che Vus hagies passentau in bi temps da stad. Igl onn da scola 23/24 stat avon porta e nus admettein a Vus in cordial beinvegni!

Cun quest scriver lein nus sedrizzar a Vus cun entginas informaziuns.

Emprem di da scola

- Ils survetschs divins han liug a Rabiun ed a Trun allas 08:15 ellas duas baselgias parochialas.
- Ils transports curseschan tenor urari ordinari.
- Affons che visetan buc il survetsch divin serendan allas 08:15 sin plaz scola e vegnan survegilai dad ina persuna dil Consorzi da scola Sumvitg-Trun (CSST). Per saver far diever dalla survegilanza basegna ei l'annunzia al CSST entras ils geniturs entochen il pli tard gievgia, ils 10-08-2023, via Klapp a "Administraziun CSST".
- Suenters ils survetschs divins serendan ils affons sin plaz pausa nua ch'els vegnan beneventai da lur persuna d'instrucziun da classa.
- Ils geniturs dils affons dalla 1. scoletta e dalla 1. classa astgan accumpignar lur affons entochen pausa en stanza d'instrucziun.
- Tut ils affons, era ils superiors, han avon miezdi instrucziun entochen allas 11:35, e van a gentar u a casa ni alla meisa da miezdi (tut tenor sco quei che l'annunzia ei vegnida inoltrada).

KLAPP

- Sco gia preinformau ei [KLAPP](#) il canal da comunicaziun denter il CSST ed ils geniturs.
- Per saver far diever da tuttas funcziuns da KLAPP basegna ei la registraziun davart ils geniturs. Engraziel a tuts geniturs ch'eiin gia seregistrai. Ils auters geniturs supplichein nus da seregistrar entochen il pli tard gievgia, ils 10-08-2023. (Denton era senza registraziun obtegnan tals geniturs quest messadi, san denton buca far diever dil program sco tal).

Transports:

- Ils uraris da transport ein publicai sin nossa pagina d'internet (www.scolasumvitgtrun.com).
 - Rabiun: Suenters l'emprema jamna da scola vegn sche necessari fatg pintgas adattaziuns vid igl urari da transport. n valeivels sulettamein pil tschancun denter la scola e la fermada datier dalla casa. Auters viadis cugl auto da posta ein buca cumpri en quei abbonament. Il CSST ha contrahau cun AutoDaPosta e possibilitescha als geniturs da cumprar in abbonament che cuviera tut ils tschancuns da AutoDaPosta. Geniturs che giavischan in tal abonament san annunziar



quei via KLAPP a "Administraziun CSST".

Il s cuosts muntan a 50.- frs. per affons ch'eiin gia el possess d'in abbonament, e 100.- frs. per affons che possedan in summa negin abbonament.

Survigilanza en cass che l'instrucziun croda

- Vala duront il temps da bloc (Rabius = 08:05 – 11:35, Trun = 08:10 – 11:35) per ils affons da scoletta e dil scalem primar.
- En cass che l'instrucziun havess da curdar (p. ex. per motivs da maldispostadad da persunas d'instrucziun, conferenzas, e.a.v.) han ils geniturs la pusseivladad da schar survegilar lur affons duront il temps da bloc entras il CSST.
- Giavischa ina famiglia ina tala survegilanza ston ils geniturs annunziar via KLAPP a "Administraziun CSST" il basegns enteifer mes'ura suenter ch'il messadi dall'absenza ei vegnius tarmess. Per saver organisar la survegilanza tier eventualas annunzias drova il CSST avunda temps da saver reagir.
- Il CSST tarmetta igl eventual messadi che l'instrucziun croda aschi baul sco pusseivel, vul dir u la sera avon ni la damaun marvegl.


Occurrenzas

- Tuttas occurrenzas gia enconuschentas e definidas ein publicadas el calender da KLAPP.
Nus supplichein Vus da consultar regularmein il calender.

Da cor giavischein nus a Vus ina bun'entschatta dil niev onn da scola 23/24.

Cordials salids

Francestg Friberg



menader da scola general

Rita Wolf



submenadra da scola